

ՀԱՅԿԱԿԱՆ ՍՍՌ ԳԻՏՈՒԹՅՈՒՆՆԵՐԻ ԱԿԱԴԵՄԻԱՅԻ ԳԻՏԱԿԱՆ ԱՇԽԱՏՈՂՆԵՐԻ ԸՆԴՀԱՆՈՒՐ ԺՈՂՈՎԸ

Մայիսի 6-ին տեղի ունեցավ Հայկական ՍՍՌ Գիտությունների Ակադեմիայի գիտական աշխատողների ընդհանուր ժողովը, որը քննարկեց «Սովետական գիտության, գրականության և արվեստի բոլոր գործչներին, Սովետական Միության գիտական, հասարակական և մյուս կազմակերպություններին ու հիմնարկություններին» ուղղված դիմումը:

Ժողովը բաց արեց Հայկական ՍՍՌ Գիտությունների Ակադեմիայի պրիզիդենտ Վ. Համբարձումյանը: Դիմումի տեքստի հրապարակումից հետո ճառով հանդես եկավ Ակադեմիայի վիցե-պրեզիդենտ Վ. Գուլքանյանը:

— Մենք հավանություն ենք տալիս, — ասաց նա, — և ջերմորեն պաշտպանում սովետական գիտության, գրականության, արվեստի և

հասարակական կազմակերպությունների ներկայացուցիչների առաջարկությանը՝ Քաղաքական և գիտական գիտելիքների տարածման Համամիութենական ընկերություն ստեղծելու մասին:

Ժեր Ակուդեմիան Գիտական պրոպագանդայի Խորհրդի միջոցով վերջին տարիներս գիտական հանրամատչելի դասախոսություններ և դրույցներ է անցկացրել ուսուցիչների թաղաքների և գյուղերի բնակչության մեջ: Բայց դա բավական չէ: Բանվորների կուլտուր-տեխնիկական մակարդակը բարձրացնելու և սովետական գյուղացիության կուլտուրան վճռականորեն բարձրացնելու համար մեզնից պահանջվում է է՛լ սովելի մեծ ջանքեր գործադրել քաղաքական և գիտական գիտելիքներ տարածելու ուղղությամբ:

Վ. Գուլքանյանը հույս հայտնեց, որ Հայաստանի գիտնականներն է՛լ սովելի ակտիվորեն կաշխատեն աշխատավորների սոցիալիստական գիտակցությունը բարձրացնելու համար:

Ֆիլոլոգիական գիտությունների թեկնածու Ա. Ասատրյանը խոսեց Գրականության ինստիտուտի գիտական աշխատողների խնդիրների մասին՝ աշխատավորների կուլտուրական աճման և գաղափարական-քաղաքական դաստիարակության գործում:

Ընդհանուր ժողովը որոշում կայացրեց բոլոր միջոցներով նպաստել Քաղաքական և գիտական գիտելիքների տարածման Համամիութենական ընկերության ստեղծմանը և ակտիվորեն մասնակցել նրա գործունեությանը: